

**ALCALDÍA DO CONCELLO DOS
93 concellos da provincia**

**CIRCULAR SOBRE A ELABORACIÓN DO PLAN PROVINCIAL DE COOPERACIÓN
ÁS OBRAS E SERVIZOS DE COMPETENCIA MUNICIPAL
PLAN ÚNICO DE CONCELLOS (POS+ 2017) ADICIONAL
POR MAIOR ACHEGA DESTA DEPUTACIÓN**

O Pleno desta deputación, na sesión extraordinaria realizada o 8 de xuño de 2017, en relación coa Resolución da Presidencia número 22137 do 7 de xullo de 2017, aprobou o **PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL PLAN ÚNICO DE CONCELLOS (POS+ 2017)**. Este acordo foi sometido a exposición e información pública mediante a publicación dun anuncio no Boletín Oficial da Provincia (BOP) nº 110 do 13 de xuño de 2017 e foille remitido ás Administracións Estatal e Autonómica, sen que no prazo de dez días presentaran alegación ou reclamación ningunha.

O Plan elaborouse de acordo coas súas Bases reguladoras aprobadas polo Pleno da deputación na sesión realizada o 25 de novembro de 2016 e publicadas no BOP nº 226, do 29 de novembro de 2016, sen que se presentara reclamación nin alegación ningunha.

No dito acordo de aprobación do POS+ 2017 inclúense tanto un Plan Base, que actualmente está en execución, como un Plan Complementario composto polos investimentos financeiramente sostibles solicitados polos concellos de acordo co previsto na Base 4.3. Estes investimentos quedaron aprobados con natureza de reserva, condicionados á existencia de financiamento procedente de baixas de licitación ou de maiores achegas da deputación.

Coa finalidade de realizar unha maior achega provincial ao POS+ 2017, no vindeiro Expediente de modificación de créditos (EMC) desta deputación, que previsiblemente se vai someter á aprobación do Pleno provincial na sesión ordinaria do 29 de setembro de 2017, vaise incluír a cantidade de 16.000.000,00 € para o financiamento do POS+ 2017 Adicional, que se suma á cantidade inicialmente destinada ao financiamento do POS+ 2017, que ascendía a 74.000.000,00 €, o que fai un total de achega provincial ao Plan de 90.000.000,00 €.

Para o caso de que o Pleno provincial aprobase o citado EMC, e de conformidade co previsto na Base 4.3, esta maior achega provincial de 16.000.000,00 € distribuíuse entre os 93 concellos da provincia aplicando os mesmos criterios obxectivos previstos nas Bases, correspondéndolle a ese concello a seguinte cantidade:

CONCELLO	POS+ 2017 Adicional por maior achega provincial (€)
CONCELLO	CANTIDADE

Os investimentos solicitados por ese concello incluídos no Plan Complementario ao POS+ 2017 son os que figuran ao final desta circular.

Na Base 4.3 establécese que os concellos deberán financiar con cargo a esta nova cantidade asignada, en primeiro lugar, as débedas con provedores pendentes de pago, e en segundo lugar, os investimentos financeiramente sostibles solicitados inicialmente no Plan Complementario ou outros novos que solicite cada concello posteriormente. Para estes efectos, os concellos deberán presentar a documentación actualizada da súa situación en relación co pago a provedores segundo o modelo Anexo III, así como outros documentos necesarios para a elaboración do Plan Adicional.

É de destacar que se o concello confirma a planificación dos investimentos previstos no Plan Complementario da súa solicitude inicial, os prazos de xestión do Plan Adicional son moi curtos porque no seu momento xa presentou toda a documentación e os investimentos están aprobados coa condición da existencia de financiamento, polo que previsiblemente esta deputación poderá aprobalos de forma definitiva antes do remate deste exercicio.

Sen embargo, se o concello modifica a súa planificación inicial e inclúe novos investimentos, ou se solicita outros novos por non ser suficientes os previstos no Plan Complementario inicial, os prazos de xestión do Plan Adicional son máis longos, porque o Pleno do concello debe aprobar os novos investimentos e presentar nova documentación, que debe ser revisada para a súa inclusión noutra fase do Plan Adicional que máis adiante debe aprobar o Pleno da deputación.

Partindo da maior achega provincial asignada a ese concello e dos seus investimentos supletorios incluídos no Plan Complementario ao POS+2017, ese concello podería encontrarse nunha das seguintes catro situacións:

SITUACIÓN A: CONCELLOS CON DÉBEDAS CON PROVEDORES PENDENTES DE PAGO SUPERIORES Á CANTIDADE ASIGNADA

No caso de concellos con débedas con provedores pendentes de pago superiores á nova cantidade asignada, deberán presentar na plataforma SUBTEL desta deputación, **ata as 15:00 horas do o 6 de outubro de 2017**, a seguinte documentación:

A.1.- INFORME ACTUALIZADO SOBRE AS FACTURAS PENDENTES DE PAGO

A Intervención ou a Secretaría-Intervención do concello deberá emitir un informe segundo o modelo que figura como Anexo III ás Bases, coa relación de facturas con provedores de importe igual ou superior a 100,00 € (IVE incluído), cando o período de pago exceda en máis de tres meses o período de pago establecido no Real decreto 635/2014, cos datos da última relación de facturas pendentes de pago elaborada, separando as facturas que se imputan ao capítulo II e as que se imputan ao capítulo VI, no que se indiquen, entre outros datos para cada débeda, a data de entrada no rexistro do concello, o resumo do concepto, a identificación do provedor e o importe da débeda (IVE incluído), relacionándose segundo a orde da súa entrada no rexistro do concello.

Para facilitar a elaboración deste informe, na mesma liña que a nota orientativa enviada sobre as posibles formas de elaboración do Anexo III coa solicitude inicial do POS+ 2017, esta deputación considerará suficiente que se inclúan neste informe actualizado as facturas pendentes de pago con provedores de importe igual ou superior a 100,00 € (IVE incluído), presentadas no Rexistro do concello antes do 31 de marzo de 2017.

No caso de facturas que teñan financiamento doutras Administracións públicas, deberá desagregarse o seu financiamento e só poderá aplicarse a achega provincial asignada neste Plan á parte que financia o concello.

A.2.- ACORDO OU RESOLUCIÓN DE CONFORMIDADE COA APLICACIÓN DA NOVA ACHEGA PROVINCIAL ASIGNADA AO PAGO DE FACTURAS CON PROVEDORES PENDENTES

Tendo en conta que na citada Base 4.3 xa se contemplaba a obrigatorialidade de destinar a maior achega provincial ao pago das facturas con provedores pendentes de pago, e dado que o Pleno do concello aceptou expresamente as Bases reguladoras do Plan, non será necesario que neste momento se aprobe novamente mediante acordo plenario a conformidade do concello coa aplicación da nova achega provincial asignada ao pago de facturas con provedores pendentes de pago, sendo suficiente para estes efectos a Resolución da Alcaldía ou Acordo da Xunta de Goberno Local, segundo corresponda.

SITUACIÓN B: CONCELLOS QUE DESEXAN CONFIRMAR TODOS OU ALGÚN DOS SEUS INVESTIMENTOS DO PLAN COMPLEMENTARIO AO POS+2017 SEN INCLUIR NOVOS INVESTIMENTOS

No caso de concellos que desexen confirmar todos ou algún dos seus investimentos financeiramente sostibles incluídos no Plan Complementario sen incluír novos investimentos, despois, no seu caso, de restar o importe necesario para o pago das facturas con provedores pendentes de pago que figuren no informe indicado no apartado B.1, poderán destinar o resto desta nova achega provincial ao financiamento dos investimentos previstos no Plan Complementario.

Neste suposto, ese concello deberá presentar na plataforma SUBTEL desta deputación, ata as **15:00 horas do 6 de outubro de 2017**, a seguinte documentación:

B.1.- INFORME ACTUALIZADO SOBRE AS FACTURAS PENDENTES DE PAGO.

Informe elaborado segundo se detalla no apartado A.1.

B.2.- ACORDO OU RESOLUCIÓN DE CONFORMIDADE COA APLICACIÓN DA NOVA ACHEGA PROVINCIAL ASIGNADA A TODOS OU ALGÚN DOS INVESTIMENTOS FINANCEIRAMENTE SOSTIBLES INCLUIDOS NO PLAN COMPLEMENTARIO

Tendo en conta que o Pleno dese concello xa aprobou os seus investimentos financeiramente sostibles incluídos no Plan Complementario, non será necesario que neste momento se aprobe novamente mediante acordo plenario a conformidade do concello coa aplicación da nova achega provincial asignada ao financiamento de todos ou algúns dos investimentos que ese concello tiña incluídos no Plan Complementario, sendo suficiente para estes efectos o Resolución da Alcaldía ou Acordo da Xunta de Goberno Local, segundo corresponda.

O Acordo ou Resolución do concello de aplicación da maior achega provincial asignada ao financiamento dos investimentos incluídos no Plan Complementario ao POS+ 2017 deberá indicar a denominación do investimento ou investimentos do Plan Complementario que solicita aprobar definitivamente, desagregando a achega provincial aplicada e, no seu caso, a achega municipal que voluntariamente realice. No caso de realizar achega municipal, deberá declararse que o concello ten crédito ou se compromete a consignalo no seu orzamento para o seu financiamento.

No suposto de que o investimento incluído no Plan Complementario ao POS+ 2017 estivese sometido a condicións que aínda non fosen declaradas cumpridas, o concello poderá solicitar a aplicación ao dito investimento desta maior achega provincial, pero na aprobación que realice esta deputación seguirá igualmente condicionado, e non se poderá contratar nin executar ata que a deputación, á vista da documentación que presente o concello, declare o seu cumprimento.

SITUACIÓN C.- CONCELLOS QUE DESEXAN SOLICITAR UNICAMENTE NOVOS INVESTIMENTOS FINANCEIRAMENTE SOSTIBLES NO PLAN ADICIONAL AO POS+2017

No caso de concellos que non confirmen ningún dos investimentos incluídos no Plan Complementario, poderán solicitar novos investimentos financeiramente sostibles, segundo se definen na Base 2.3, para investir a nova cantidade asignada, despois, no seu caso, de restar o importe necesario para o pago das facturas con provedores pendentes de pago que figuren no informe indicado no apartado C.1.

Neste suposto, ese concello deberá presentar na plataforma SUBTEL desta deputación, **ata as 15:00 horas do 15 de novembro de 2017**, a seguinte documentación:

C.1.- INFORME ACTUALIZADO SOBRE AS FACTURAS PENDENTES DE PAGO.

Informe elaborado segundo se detalla no apartado A.1.

C.2.- CERTIFICACIÓN DO ACORDO DO PLENO DO CONCELLO APROBANDO OS NOVOS INVESTIMENTOS FINANCEIRAMENTE SOSTIBLES A INCLUIR NO PLAN ADICIONAL

O concello deberá presentar unha certificación do Acordo adoptado polo Pleno do concello solicitando a inclusión no Plan Adicional dos novos investimentos, segundo o modelo Anexo I do Plan Adicional que figura na plataforma Subtel. O Acordo deberá indicar a denominación dos novos investimentos financeiramente sostibles solicitados, desagregando a achega provincial aplicada e, no seu caso, a achega municipal que voluntariamente realice. No caso de realizar achega municipal, deberá declararse que o concello ten crédito ou se compromete a consignalo no seu orzamento para o seu financiamento

C.3.- PROXECTOS E DEMAIS DOCUMENTACIÓN INDICADA NA BASE 5.B.3 DAS REGULADORAS DO POS+ 2017.

O concello deberá presentar os documentos que deseguido se indican, utilizando os Anexos que figuran na plataforma Subtel.

- Proxecto técnico da obra ou prego da subministración
- Anexo V: informe técnico sobre o investimento
- Anexo VI: Informe técnico – xurídico sobre a dispoñibilidade dos terreos
- Anexo VII: Memoria económica da Alcaldía sobre o investimento financeiramente sostible
- Anexo VIII: Informe da Intervención ou Secretaría-Intervención sobre o investimento financeiramente sostible

SITUACIÓN D: CONCELLOS QUE DESEXAN CONFIRMAR TODOS OU ALGÚN DOS SEUS INVESTIMENTOS DO PLAN COMPLEMENTARIO AO POS+2017 E INCLUIR NOVOS INVESTIMENTOS FINANCEIRAMENTE SOSTIBLES

Os concellos poderán acordar, por unha banda, confirmar todos ou algún dos seus investimentos financeiramente sostibles incluídos no Plan Complementario aprobado, despois, no seu caso, de restar o importe necesario para o pago das facturas con provedores pendentes de pago que figuren no informe emitido pola Intervención ou Secretaría-Intervención do concello segundo se detalla no apartado A.1; e por outra banda, incluír novos investimentos financeiramente sostibles ata esgotar a nova achega provincial asignada, ben por modificar a súa planificación inicial, ou ben por ser insuficientes os incluídos no Plan Complementario aprobado para esgotar toda a nova asignación provincial.

Neste suposto, ese concello deberá presentar a documentación correspondente en dous momentos diferentes, segundo se indica:

- Para a confirmación dos investimentos previstos no Plan Complementario aprobado, deberá presentar na plataforma SUBTEL desta deputación, **ata as 15:00 horas do 6 de outubro de 2017**, a documentación indicada para a Situación B.
- Para a inclusión de novos investimentos, deberá presentar na plataforma SUBTEL desta deputación, **ata as 15:00 horas do 15 de novembro de 2017**, a documentación indicada para a Situación C.

APROBACIÓN POLA DEPUTACIÓN DO POS+ ADICIONAL 1/2017

Despois de revisar a documentación presentada polos concellos, esta deputación poderá aprobar o POS+ Adicional 1/2017 en dúas fases:

- Na primeira fase incluíranse os investimentos que coincidan cos que estaban previstos no Plan Complementario xa aprobado polo Pleno do concello e da deputación xunto co Plan Base, condicionados á existencia de créditos para o seu financiamento. Ademais, incluírase a aplicación da achega provincial ao pago a provedores que corresponda. A aprobación definitiva desta 1ª fase previsiblemente poderá realizarse mediante Resolución da Presidencia antes do remate deste exercicio.
- Na segunda fase incluíranse os novos investimentos solicitados polos concellos distintos dos previstos no Plan Complementario e ademais, incluírase a aplicación da achega provincial ao pago a provedores que corresponda. A aprobación definitiva desta 2ª Fase realizarase mediante acordo do pleno provincial, despois de revisar a documentación que os concellos poden presentar ata o 15 de novembro de 2017, cando estea todo correcto e completo.

A deputación enviará aos concellos unha circular con instrucións sobre a aplicación da achega provincial ao pago a provedores e sobre a contratación e execución dos investimentos que se inclúan nas dúas fases do POS+ Adicional 1/2017 despois da súa aprobación definitiva.

ANEXO: INVESTIMENTOS DESE CONCELLO INCLUIDOS NO PLAN COMPLEMENTARIO AO POS+ 2017